

嘉慶廣陵事略

廣陵事略卷之四

歸安姚文田輯

宋上

建隆元年九月淮南節度李重進以揚州叛遣石守信等討之  
冬十月丁亥詔親征揚州十一月師次揚州城拔之重進盡室

自焚

宋史太祖紀一

重進周太祖之甥始與太祖俱事周室心憚太祖太祖卽位  
陰有叛志太祖以鐵券賜之重進欲入朝爲左右所惑又自  
以周室近親遂反遣人求援於李景景懼不納太祖親征師  
次大儀頓石守信遣使言曰揚州破在旦夕願陛下臨視太

祖徑至城下即日拔之

東都事略  
重進本傳

命諸軍習戰艦於迎鑾

宋史太  
祖紀一

己酉振揚州城中民人米一斛十歲以下者米半斛隸為軍者

賜衣履遣還庚戌給攻城役夫死者又絹三匹復三年

同上

南唐主遣使來犒師遣其子從鎰來朝十二月己巳駕還

同上

二年春正月戊申以揚州行宮為建隆寺

同上

乾德二年八月庚申以迎鑾鎮為建安軍

李燾續資治  
通鑑長編五

開寶三年八月丁亥移建安軍榷貨務於揚州

長編十一  
建安軍宋史邊

珣傳作永安  
軍當是史誤

四年六月丙子升揚州高郵縣為高郵軍

長編  
十二

八年二月知揚州侯陟敗江南軍於宣化鎮

宋史太祖紀三

陟以所部敗南唐軍千人於宣化城俄爲部下所訟追赴闕

陟度理窮乃求哀盧多遜爲其畫計時江表未拔太祖方議

休兵陟從揚州來知金陵危甚多遜令上急變求見言南唐

危在旦夕陛下柰何欲班師上屏左右問狀遂寢前議並赦

陟罪

宋史陟本傳案是年南唐亡距楊行密開國揚州凡八十四年

太宗至道二年十一月禁淮南通行鹽稅

宋史太宗紀二

三年五月壬申罷江淮發運使諸路轉運使司承受公事朝臣

使臣悉召歸闕

長編四十一

國初以轉運使領諸路事淮南分爲兩路是歲始定爲十五

路六曰淮南路

長編四十二

真宗咸平三年八月戊辰鹽鐵判官制置江淮荆浙茶鹽礬王

子與兼統淮南轉運使

長編四十七

至道末罷發運使及子與兼淮南轉運使尋加都大而不立

使名

長編四十八 注云景德三年二月仍復使名

景德二年八月丙戌遣內臣奉安太祖聖容於揚州建隆寺

宋史

真宗

紀二

十一月癸亥曹國公元儼進封廣陵郡王

同上

大中祥符元年十二月甲辰詔江淮發運轉運司部內各西三

年之儲以備水旱先是江淮米悉運送京師至是司天監言揚

楚之分當水旱爲沴防患故也

長編七十

辛丑廣陵郡王元儼進封榮王

宋史真宗紀二

二年夏四月壬辰江淮發運使李溥言糧綱卒隨行有少物貨

經歷州縣悉收稅算望與蠲免從之

長編七十一

高郵軍新開湖水散漫多風濤溥令漕舟東下者還過泗州

因載石輸湖中積爲長隄自是舟行無患

宋史溥本傳案溥爲發運使宋史

言其既專且貪寔爲不法今從節錄

三年八月戊辰詔揚州長吏兼安撫使

宋史真宗紀二

九月庚辰知揚州許逖請令兩浙路權罷和雇船所冀行商得

載糧斛以濟活旱民從之

長編七十四

己亥江淮發運使李溥言今春運米諸路各畱三年支用淮南  
畱三百三十萬石外有上供五十七萬石畱備賑糶兩浙有米  
百五十萬石上供外有九十一萬石備淮南賑糶

同上

甲辰內出綏撫十六條頒江淮南安撫使

宋史真宗紀二  
長編作十二條

五年五月戊辰朔上以江淮兩浙路稍旱卽水田不登乃遣使  
就福建取占城稻三萬斛分給三路令擇民田之高仰者蒔之  
蓋旱稻也仍出種法付轉運使揭榜諭民

長編七  
十七

八月鑄玉清昭應宮正殿聖像令江淮發運使李溥訪巧匠得

杭州民張文昱等就建安軍西北小山置治溥領視之

長編七  
十八

案此事宏簡錄載在是年十月據長編八月  
已有端異知非十月矣月日無攷姑次於此

丙午溥奏道場有神雀異光慶雲之瑞詔修宮使丁謂馳往醮謝宴搞官吏將校耆老賜役夫緡錢溥與謂相爲表裏多載奇木怪石盡括東南巧匠以附會帝意

同上

庚戌淮南旱減運河水灌民田仍寬租限州縣不能存恤致民

流亡者罪之

宋史真宗紀三

乙卯遣使治揚州回鑾寺奉安太祖神御先是設殿於其偏始

改從正位焉

長編七十八

冬十月辛巳建安軍鑄聖像龍見雲中

宋史真宗紀三

六年三月乙卯建安軍鑄玉皇聖祖太祖太宗尊像成以丁謂

爲迎奉使李宗諤副之淮南江浙荆湖都大發運使李溥爲都



監長編八十

先是丁謂等自建安軍奉玉皇聖祖太祖太宗四像各御大舟迎奉使副分侍玉皇聖祖都監於太祖太宗舟檢校舟上設幄殿皆有內侍主供具夾岸黃麾仗二千五百人鼓吹三百人別列舟十艘載門旗青衣弓矢及叉道眾幢節所過州縣道門聲讚鼓吹振作官吏出城十里具道釋威儀音樂迎拜所過禁屠宰七日止行刑二日遣迎奉大禮使王旦詣應天府酌獻奏青詞宗室至故驛羣臣至通津門奉迎同上

五月甲辰聖像至玉清昭應宮丙午曲赦京城建安軍揚州高郵軍楚泗宿亳州死罪囚降一等流以下釋之升建安軍爲眞

州銘範聖像之地特建爲儀真觀眞州放今年夏稅十之三屋稅十之二淮南災傷處去年秋稅並蠲之

同上

辛亥升眞州爲上州

同上

十一月癸卯罷淮南和糴以頻年薄稔今始有秋故也

長編八十一

七年三月甲辰免揚州建隆寺田租

長編八十二

六月辛酉罷揚楚州高郵軍屯兵先是以宣武軍分戍淮南至

是軍中有不逞輩謀殺校長轉運使請省去之故也

長編八十二

冬十月丁巳詔揚州長吏正至朔望朝拜建隆寺太祖神御殿

長編八

十三

八年二月乙亥詔淮南路廩粟爲糜粥以濟民饑遭兵戍揚州

警盜也

長編八十四

九年八月丙子令江淮發運司畱上供米五十萬以備饑年

宋史

眞宗

紀三

天禧元年五月乙卯以高郵軍民苟懷玉爲本軍助教以其出

米麥三千斛濟饑民故也仍詔自今爲例

長編八十九

六月庚辰發運使言眞州等處轉般倉及浙江上供米二百二

十餘萬斛欲畱逐處以濟闕乏從之

長編九十

三年六月癸未浚淮南漕渠廢三堰

宋史眞宗紀三

王臻爲淮南轉運副使時發運司議濬漕渠廢諸堰臻言揚

州召伯堰實謝安爲之人思其功不可廢也濬渠亦無所益

召爲三司度支判官而發運司卒濬渠以通漕臻坐前異議

降監察御史知睦州

宋史蔡本傳

四年春正月丙寅開揚州運河

宋史與宗紀三

仁宗天聖三年六月丙寅發運副使張綸請開眞州長蘆口爲

河屬之江以免舟楫漂失之患詔從之

長編一百三

四年閏月減江淮發運司歲漕止六百萬石

東都事略本紀五

八月丁亥築泰州捍海堰

宋史仁宗紀一

先是堰久廢不治歲患海濤冒民田監西溪鹽稅范仲淹言

於發運副使張綸請修復之綸奏以仲淹知興化縣總其役

議者謂濤患息則積潦必爲災綸曰濤之患十九而潦之災

十二獲多亡少豈不可乎役既興會大雨雪驚濤且至役夫死者百餘人眾譁言堰不可復詔遣中使案視將罷之又詔淮南轉運使胡令儀同仲淹度其可否令儀力主仲淹議仲淹尋以憂去乃命綸兼權知泰州築堰自小海寨東南至耿莊凡一百八十里而於運河置牐納潮水以通漕逾年堰成

流逋歸者二千六百餘戶

范文正公年譜

七年閏二月甲辰揚州召伯牐成

長編一百七 先是發運使鍾離瑾請置牐邵伯埭旁人

以爲利詳  
宦蹟志

景祐元年六月己丑朔賜揚州學田五頃

長編一百十四

冬十月庚申罷淮南江浙荆湖制置發運使仍詔淮南轉運使

兼領發運司事其制置茶鹽礬稅各歸逐路轉運司

長編一百十五

二年十一月乙巳荆王元儼爲荆南淮南節度大使行荊州揚

州牧仍賜入朝不超二州牧自元儼始

長編一百十七

三年五月戊戌許真州立學仍給田五頃

長編一百十八

九月辛卯詔淮南轉運使歲一詣闕奏事先是罷發運使及歲

入奏計至是復之

長編一百十九

四年六月奉安太祖御容於揚州建隆寺

宋史仁宗紀二

景德中嘗卽寺置殿繪御容而其制庫陋會占者言東南有

王氣乃易以塑像更命新殿曰章武

長編一百二十

寶元元年八月丁卯復淮南江浙荆湖制置發運使

宋史仁宗紀二

康定元年十一月乙卯淮南江浙荆湖制置發運使張錫言沿江淮兩岸同巡檢縣尉舊皆中流爲界自今請令通管江淮捕賊公事從之

長編一百二十九

慶祿三年沂州軍賊王倫等劫沂密海揚泗楚等州邀呼官吏公取器甲橫行淮海至高郵已二三百人皆面刺天降聖捷指

揮字號

歐陽文忠公集

盜起淮南知高郵軍晁仲約度不能禦諭軍中富民出金帛具牛酒迎勞且厚遺之賊悅徑去事聞富弼在樞府欲誅之以正軍法仲淹欲宥之弼曰盜賊公行守臣不能戰又不能守而使民醵錢遺之法所當誅也仲淹曰郡縣兵械足以戰

守遇賊不禦而又賂之法所當誅也今高郵無兵無械雖仲約之義當勉力戰守然事有可恕戮之非法意也仁宗從之仲約由此免死

東都事略范仲淹傳案蔡忠惠公集云軍賊王倫纔過百人高郵軍晁仲約屈身迎候

范文正公集云劫盜張海橫行數路將過高郵知軍晁仲約度不能禦使人迎勞且厚遺之此當是一事海蓋王倫之黨故宋史止言倫叛也

皇祐三年春正月丙子詔揚州帶提轄本路兵甲賊盜公事益屯禁兵仍分淮南爲兩路揚州爲東路廬州爲西路

長編一百七十

四年十一月辛亥詔眞楚泗知州自今令制置發運司連狀保

舉知職事修飭代還當除提點刑獄

長編一百七十三

嘉祐四年五月丁巳詔淮南東西路兼兵馬鈐轄就置禁軍選



嘗歷任武臣二員爲兵馬都監並置公廨於本州以專訓練長編

一百八十九時  
與江南等路同置

神宗熙寧四年十一月壬午詔江淮發運使舉官毋得過本路

轉運使副所舉之數長編二百二十八

壬寅開洪澤河達於淮以便舟楫同上 注云五年正月丁酉河成

江淮等路發運副使皮公弼言漕運涉淮有風波之險乞開

洪澤河六十里稍避其害詔委公弼提舉功畢人以爲便長編

二百二十九

五年五月廢高郵軍爲縣隸揚州長編二百三十三

閏七月詔以京東見管軍馬戍揚長編二百三十六 先是詔以京東武衛兵四十二指揮

屬河北路而議者復以東南兵少盜賊可虞故又詔於京東見管軍馬內以三千人分戍揚杭江寧

九月詔淮南分東西路

宋史神宗紀二案今揚州皆屬東路

六年秋七月詔淮南路置鑄錢監

同上

十二月甲戌詔淮南東路轉運司募闕食貧民興修揚州江都

高郵天長界河及古鹽河

長編二百四十八

七年夏四月己卯詔賜淮南東路轉運司上供糧五萬石於災

揚州縣募夫修工役

長編二百五十二

六月癸酉詔眞揚楚州運河依兩浙運河擇尤淺澀處先開淘

令發運轉運司借上供錢米雇夫

長編二百五十四

八月己巳詔淮南東路災傷州軍巡檢縣尉令本路監司不拘

常制奏舉候豐歲如舊

長編二百五十五

八年七月己巳淮南發運司言自五月不雨運鹽河皆不通舟

船詔開浚聽畱上供錢米給其費仍遣都水監官督視

長編二百六十六

六

八月丙申詔發運司體實淮南江東兩浙米價州縣所存上供

米毋過百萬石減直予民斗錢勿過八十

宋史神宗紀二

九年正月判都水監工部郎中侯叔獻開揚州陳公塘

長編二百七十一

二時以漕河不通鹽綱畱  
而委叔獻相度引注溝河

三月丁丑命權江淮等路發運副使盧秉兼權管勾真揚通泰

等開運河

長編二百七十三  
時以侯叔獻督役感疾令秉攝事

元豐二年八月戊申詔浚淮南運河自邵伯堰至真州

長編二百九十

九

三年四月庚子賜江淮發運使庾牒三百給真楚泗州修轉般

倉運河水牘之費

長編三百三

四年二月己卯詔東南諸路團給諸軍爲十三將淮南東路第

一 長編三百十一

十一月己亥淮南東路提點刑獄范鏜言見權領揚州高麗使

經過臣官輕服微已牒權轉運副使李琮權州詔范鏜借朝奉

大夫賜金紫

長編三百十九 先是判應天府張方平奏高麗

使過境臣班視二府不可爲陪臣屈詔止令通判

接送揚

州依此

八年三月雍王顥進封揚王

宋史哲宗紀一

哲宗元祐元年二月辛酉新淮南等路提點坑冶鑄錢事李深

言坑冶鑄錢舊隸一司至元豐二年以荆廣淮浙分爲兩路詔

州岑水等場自去年以來坑冶不發欲乞兩路提點鑄錢通爲

一司從之每路特借錢一十五萬貫

長編三百六十五

戊子詔淮南路留管勾文字管勾帳司官各一員淮南發運司

準備差遣點勘文字留勾當公事管勾文字羅羅官各一員

長編

三百六十七

時詔諸路各

據合畱員數選畱餘並罷

三月壬戌詔諸路提點刑獄不分路淮南西路淮南東路並爲

淮南路

長編三百七十一

夏四月辛丑復揚州高郵縣爲高郵軍

長編三百七十五

二年五月丁巳中書省言淮南舊分東西兩路每路置提點刑獄官一員近已併路以二員其領州縣闊遠遇有盜賊刑獄公事公移稽滯督捕巡察不得專一詔分路差官及逐司差官檢

法仍舊制

長編四百

三年八月進封揚王顥爲徐王

宋史哲宗紀一

冬十月乙亥詔發運使副兼制置鹽礬茶事

長編四百十五

七年春正月丁未詔通泰州捍海兵士諸處不得勾抽雖有朝

旨差出亦令本州執奏特許存畱

長編四百六十九

元符二年二月己卯罷真揚楚泗監倉門斗面官四員置巡轄

綱運官四員

長編五  
百六

九月丙辰荆湖淮浙發運司言真揚通泰楚海州高郵軍界運

河淺澀請令逐州軍通簽判兼管內運河從之

長編五  
百十五

徽宗建中靖國元年六月甲寅封吳王顥子孝鸞爲廣陵郡王

宋史徽

宗紀一

大觀元年十二月癸巳以楊爲帥府

宋史徽  
宗紀二

宣和三年春正月詔淮南權添置武臣提刑一員

宋史徽  
宗紀四

欽宗靖康元年正月太上道君皇帝渡揚子江至鎮江府

靖康  
要錄

九月戊寅李綱罷知揚州十月貶綱爲保靜軍節度副使安置

建昌軍

宋史欽宗紀

言者論綱專主戰議喪師費財罷揚州舍人劉珪當制謂綱

勇於報國侍郎馮澥言珪爲綱游說珪坐貶

王宗沐續資治通鑑朱紀二十

六

高宗建炎元年五月壬寅以江淮發運使梁揚祖提領東南茶

鹽事

宋史高宗紀一

時東北道梗鹽筴不通揚祖奏真州東南水陸要衝宜遣官

置司給賣鈔引所有茶鹽錢並充朝廷封樁諸司毋得移用

故有是命

畢沅續資治通鑑朱紀九十八

丁巳詔揚州儲資糧修城壘以備巡幸

宋史高宗紀一



六月己卯李綱請沿河淮江置帥府沿淮帥府二治揚廬從之  
畢沅續鑑宋紀九十八 案徽宗紀大觀元年  
已以揚州爲帥府此殆更其軍制故又及之

七月丙午帝從汪伯彥黃潛善言將幸揚州以避敵詔副都指  
揮使郭仲荀奉太后先行六宮及衛士家屬皆從  
王宗沐續鑑  
宋紀二十八

八月戊午徙諸宗室於江淮以避敵願畱京師者聽之又移南  
外宗正司於鎮江府西外於揚州  
李心傳建炎以來繫年要錄八

己巳命江淮發運副使李祐自南京至真州躬督糧運及現在

金帛赴行在  
同上

壬申詔真州守臣以禮敦遣長蘆隱士張自牧赴行在  
同上

九月甲午命揚州守臣呂頤浩繕修城池丁酉詔荆襄關陝江

淮皆備巡幸

宋史高宗紀一

呂頤浩字元直齊州人高宗卽位除知揚州車駕南幸頤浩人見除戶部侍郎兼知揚州進戶部尙書劇賊張遇眾數萬屯金山縱兵焚掠頤浩單騎與韓世忠造其壘說之以逆順遇黨釋甲降進吏部尙書建炎二年金人逼揚州車駕南渡鎮江召從臣問去畱頤浩叩頭願且畱此爲江北聲援不然敵乘勢渡江事愈急矣駕幸錢塘拜同僉書樞密院事江淮兩浙制置使遷屯京口金人去揚州改江東安撫制置使

宋史

頤浩本傳

壬寅遣徽猷閣待制孟忠厚迎奉太廟神主赴揚州

宋史高宗紀一

甲寅上巡幸江都自應天府進發

徐夢莘三朝北盟會編一百十三

乙卯盜趙萬犯鎮江知府趙子崧遁保瓜州

王宗沐續鑑宋紀二十八

冬十月丁巳朔帝登舟幸淮甸戊午太后至揚州

宋史高宗紀一

初太后過高郵聞叛兵焚鎮江乃遣兵掘瓜州渡及是入城

駐於州治名州之正衙曰車駕巡幸駐蹕之門

繫年要錄十案北盟會

編載此事在九月戊申

己卯次楚州寶應縣後軍將孫琦等作亂逼左正言盧臣中墮

水死

宋史高宗紀一

御營後軍作亂琦爲之首臣中從駕不及立船舷叱賊爲所

逼墜水死上命求臣中所在得之水中拱立如故殿中侍御

史張浚以雖在艱難中豈可廢法乃劾統制官定國軍承宣使韓世忠師行無紀士卒爲變詔士卒罰金舍人劉珣言無以懲後浚再上章論且乞擒捕爲變者乃降世忠觀察使上下聳然始知有國法又詔臣中知無不言而死於非難者贈

左諫議大夫賜其家銀帛官子孫二人

繫年要錄十

癸未上至揚州駐蹕州治舊制三衙管軍未嘗內宿至是始日

輪一員直宿行宮

同上

十一月丁亥上以揚州路滑始聽百官乘輦

同上

丙申曲赦南京宿亳泗楚揚州高郵軍以上巡幸所嘗過也

同上

二年春正月丙戌朔帝在揚州

宋史高宗紀二

壬辰詔并真州權貨務都茶場於揚州以行在務場爲名

繫年要錄

二十

甲午詣壽寧寺謁祖宗神主

宋史高宗紀二

移揚州宗室於泰州高郵軍命祕閣修撰趙令憲知西外宗正

事主管泰州宗子洛州防禦使士從添差同知西外宗正事主

管高郵軍宗子

繫年要錄十二

己亥張遇焚真州祕閣修撰孫昭遠爲亂兵所害

宋史高宗紀二 案熊克

中興小記云羣盜有張遇號一窩蜂

初遇自黃州引軍東下遂犯江寧江淮制置使劉光世追擊

之遇乃以舟數百絕江而南將犯京口旣而回泊真州士民

皆潰將作監主簿馬元穎妻榮氏爲賊所得厲聲罵賊爲所  
害翼日遇自眞州攻陷鎮江時金人攻掠陝西京東諸郡而  
羣盜起山東黃潛善汪伯彥皆蔽匿不以奏及遇焚眞州去  
行在六十里上亦不聞

繫年要錄十二

辛亥兩浙制置使王淵招賊張遇降之

同上

遇自金山寺進屯楊子橋眾號二萬會淵還行在自將數百  
騎入其砦招之遇見淵器械精明惶懼迎拜淵曰汝等賴我  
來晚故得降不然已無遺類矣淵奏以遇爲閤門宣贊舍人  
遇猶縱兵四劫扈從者危懼知揚州呂頤浩前軍統制韓世  
忠聯騎造其壘曉以逆順禍福執其謀主劉彥礫於楊子橋

縛小校二十九人送淵戮之餘黨怖而釋甲得其軍萬人隸

世忠

同上 案宋史韓世忠傳以斬劉彥事屬之李民降後與此不同疑史誤

三月辛亥以范瓊權同主管侍衛步軍司公事屯眞州

宋史高宗紀二

八月甲戌上策諸道正奏名進士於集英殿

同上

庚辰詔東京所屬官司般發祭器大樂朝祭服儀仗法物赴行

在時上將祀天南郊命有司築壇於揚州南門內江都縣之東

南而從行無器仗故取之舊都焉

繫年要錄十七

九月甲申京城外巡檢使丁進叛率眾寇淮西進初受宗澤招

澤薨乃去時韓世忠軍中有進餘黨百餘人世忠盡斬於揚州

竹西亭斬至王權有武臣段思者勸世忠釋而用之尋命御營

右軍副統制劉正彥以所部收進

同上世忠傳詳後

庚寅上御集英殿賜諸路類省試正奏名進士李易等四百五十一人及第出身同出身而川陝河北京東正奏名進士一百四人以道梗不能赴皆卽家賜第特奏名張鴻舉下至五等皆許調官鴻舉以龍飛恩特附第二甲易江都人鴻舉邵武人也

同上

丁酉賜新及第進士錢千七百緡爲期集費自是以爲故事李易等以上憂勞辭聞喜宴

同上

冬十月甲寅命揚州淩隍修城閱江淮州郡水軍

宋史高宗紀二

戊午遣劉光世討李成

同上



李成敗獲其黨之家屬詔分養於真泰楚三州光世具上男

女六百餘人

畢沅續鑑宋紀一百二

十一月己丑江淮制置使劉光世還行在帝謂宰執曰昨於光

世處得成所用提刀一重七斤成能左右手運兩刀所向無前

惜惑於陶子思邪說使朕不得用之是日光世俘子思詣都堂

以火然於開明橋上其軍士降者皆釋之

同上

庚子詣壽寧寺朝饗祖宗神主

宋史高宗紀二

壬寅就江都縣築壇南郊大赦天下

北盟會編一百十九

京東賊李民詣行在請降王淵殲其眾畱民爲將

宋史高宗紀二

十二月戊寅以禮部侍郎張浚兼參贊軍事教習長兵

同上浚傳詳

後

時金人橫行山東羣盜李成輩因之爲亂金左副元帥宗維

畢沅續錄  
作宗翰

自東平歷徐泗以趣行在而黃潛善汪伯彥皆無

遠略且斥堠不明未嘗多以金繒使人伺金之動息於是淮

北累有警報潛善等謂成餘黨無足畏者金諜知朝廷不戒

亦僞稱成黨以款我師上以邊事未寧詔百官言所見吏部

尙書呂頤浩上備禦十策戶部尙書葉夢得亦請上南巡阻

江爲險以備不虞又請以重臣爲宣總使一日召諸軍議事

中軍統制官張俊奏敵勢方張宜且南渡復請移左藏庫於

鎮江吏部侍郎劉珪言備敵之計兵食爲先今以降卒爲見

兵以糧本爲見糧二者一無可恃維揚城池未修卒有不虞  
何以待敵不報殿中侍御史張守上防淮渡江利害六事潛  
善伯彥滋不悅乃請遣守撫諭京城守卽日就道至是聞北  
京陷議者以爲敵騎且來而廟堂晏然不爲備浚率同列爲  
執政力言之潛善伯彥笑且不信乃命浚參贊軍事與頤浩

教習河朔長兵

繫年要錄十八

三年春正月庚辰朔帝在揚州

宋史高宗紀二

己丑奉安西京會聖宮累朝御容於壽寧寺

同上

庚子詔百官聞警遣家屬避兵致物情動搖者流

同上

金人破徐州將侵揚州邊報屢至朝廷未有禦之之策潛善

伯彥殊不介意人皆危之有爲避敵之計者潛善伯彥慮動

搖衆心乃禁百官搬家出城市井驚惶益不安矣

北盟會編一百二十

丙午御營平寇左將軍韓世忠軍潰於汴陽其將張遇死金兵執淮陽守臣李寬殺轉運副使李祓以騎兵三千取彭城間道

趣淮甸

宋史高宗紀二

初世忠在淮陽將會山東諸寇以拒金會宗維

畢沅續鑑作宗翰

兵

至滕縣聞世忠扼淮揚恐稽師期乃分東南道都統領兵萬

人趣揚州以議事爲名使上不得出而以大軍迎世忠世忠

不能當夜引軍歸未曉至宿遷縣不虞金人之踵其後質明

覺之奔於汴陽與其帳下謀夜棄軍乘潮走鹽城諸軍遂潰

閤門宣贊舍人張遇死於張渠村後軍管隊官李彥先率本隊四十七人得二舟入海聚眾自此輔達聚眾於漣水李在據高郵皆世忠之兵也其餘收散卒自爲徒黨者不可勝計

繫年要

錄十九

二月庚戌朔始聽士民從便避兵命劉正彥部兵衛皇子六宮如杭州江淮制置使劉光世阻淮拒金人敵未至自潰金人犯

楚州守臣朱琳降

宋史高宗紀二

上駕御舟泊河岸都人惶怖莫知所爲知天長軍楊晟惇奏已拆浮橋始詔士民從便避敵上卽欲渡江潛善等請少畱俟報且搬左藏庫金帛三分之一上許之戶部侍郎葉夢得

卽具舟楫從大將假二千人津發一日而畢然公私舟交河  
中跬步不容進矣夢得復請以戶部所餘物前期支六軍春  
衣及官吏俸一月亦從之遂命御營統制官劉正彥以所部  
從六宮皇子往杭州幹辦御藥院陳永錫護皇子又遣呂頤  
浩張浚往沿淮措置金以數百騎奄至天長軍統制任重成  
喜將萬人俱遁亟遣光世迎敵都人謂光世必能禦賊而士  
無鬥志未至淮卽潰

繫年要錄二十

金攻楚州朱琳開西北門納

金人開東門縱居人自便軍民皆趣寶應縣欲自揚州渡江  
金人覺之悉邀回城中

畢沅續鑑宋紀一百三

是日揚州城內居民

爭門以出踐死者無數從官有詣都堂問二相者潛善伯彥

皆曰已有措置不必慮百官聞此相慰以知事實莫如宰相  
今既云爾未可輕動居民亦以爲然夜江都縣火皆戍卒自

焚其居

繫年要錄二十

壬子內侍鄭詢報金兵至帝被甲馳幸鎮江府是日金兵過楊

子橋

宋史高宗紀二

金人破天長軍帝遣內侍覘事知金人至遽奔還帝得報卽  
介冑走馬出門惟御營都統制王淵內侍省押班康履五六  
騎隨之過市市人指之曰官家去也俄有宮人自大內星散  
而出城中大亂帝與行人並轡而馳黃潛善汪伯彥方會都  
堂或有問邊耗者猶以不足畏告之堂吏呼曰駕行矣二人

乃戎服鞭馬南驚軍民爭門而死者不可勝數帝次楊子橋  
一衛士出語不遜上掣手劍殺之時軍民怨黃潛善刻骨司  
農卿黃鶚至江上軍士呼曰黃相公在此數之曰誤國害民  
皆汝之罪鶚方辨其非而首已斷矣少卿史徽丞范浩繼至  
亦死給事中兼侍講黃哲方徒步一騎士挽弓射之中四矢  
而卒是日鴻臚少卿黃唐俊渡江溺死左諫議大夫李處遯  
爲亂兵所殺太府少卿朱端友監察御史張灝皆不知存亡  
畢沅續鑑宋紀一百二 攷異曰熊克小紀作大理卿黃鶚  
今據繫年要錄所引日紀作司農卿又日紀稱史徽范浩至  
常州宜興縣境爲盜所害與此不同今從維揚巡幸記 又  
案諸書皆云高宗去揚州在建炎三年二月金史云天會七  
年五月乙卯拔離速等襲  
宋主於揚州殆金史誤



癸丑游騎至瓜洲

宋史高宗紀二

呂頤浩張浚聯馬追及上於瓜洲鎮得小舟卽乘以濟次西  
津口上坐水帝廟取劍就鞞擦血百官皆不至諸衛禁軍無  
一人從行者是晚金游騎至揚州守臣右文殿修撰黃願先  
遁去簽書淮南節度判官吳某權州事民皆備香花迎拜金  
人入城問上所在眾曰渡江矣金人馳往瓜洲望江而回引  
兵屯摘星樓下縱火城內烟焰燭天子女金帛殺掠殆盡南  
陽尉晏孝廣女有美色爲金兵所得欲妻之晏氏卽刎縊求  
死居彼中二十年卒不能犯金人義之

繫年要錄二十

金人之未

至也公私所載舳艫相銜運河自揚州至瓜洲五十里僅通

一舟初城中聞報出城者皆以得舟爲利及金兵至潮不應  
牕盡膠泥淖中金兵取之如拾乘輿服御官府案牘無一存

者

同上

太常少卿季陵奉太廟神主行金兵追之失太祖神主

宋史高宗紀二

金游騎至瓜洲民未渡者尙十餘萬奔迸墮江而死者半之  
舟人乘時射利停橈水中每一人必一金乃濟比敵至皆相  
抱沈江或不及者金兵驅而去金帛珠玉積江岸如山時事  
出倉卒朝廷儀物悉委棄之季陵獨奉九廟神主使親事官  
負以行至瓜洲敵騎已逼陵舍舟而陸親事官李寶爲敵所

驅遂失太祖神主

繫年要錄二十

金人入眞州

宋史高宗紀二

初賊靳賽來就招朝廷因以賽統制本部軍馬會邊報日急

乃命賽與統制官王德屯眞州及上渡江德焚眞州而去官

吏皆散走發運使梁揚祖亦遁賽與其眾往來於江中

繫年要錄

十二

甲寅金人揭榜於揚州市西北人願還者聽之去者萬餘人

畢沅

續鑑宋紀一百三

案繫年

要錄云後爲薛慶軍者是也

乙卯金人去眞州靳賽引兵復入城頗肆殺掠後數日守臣向

子恣至以義責之

同上

向子恣字宣卿開封人建炎三年呂頤浩委攝眞州事馳入

卽首治郭吉之叛移檄招集散亡得數百人有司憂餉不給  
子恣謂此州昔聚酒貨最繁意務場瓦礫下必有宿藏剔之  
果得酒百餘斛售以充餉初吉方暴橫忽率甲士張弓露刃  
至於庭子恣厲聲曰汝欲害吾何用衆爲吾自斷首付汝因  
呼候兵授劍吉氣沮錯愕忽抱劍者曰初無是心特耀兵娛  
公耳事定朝論偉之會高宗幸鎮江子恣赴行在奏對勞問  
甚久命直祕閣還郡後歷知明州以剛直忤權貴被誣落職  
去士民訟之羣擊鼓於提刑司鼓爲之裂尋復其官致仕

儀徵

縣志

丁巳金人犯泰州守臣曾班以城降

宋史高宗紀二

金人自揚州分兵而來班聚軍民議曰金重兵臨城班義不當去相與死守若何眾皆哭曰願以生靈爲念屈節投拜保全一城班遂遣兵馬鈴轄張亢齋降書詣軍前植降旗於城上率軍民迎拜金人入城置酒高會居數日盡掠金帛而去

繫年要錄二十

乙丑金人屯揚州城下遣撥甲執旗者一人入城諭士民期以三日盡出西城過期者殺并數揚人之罪謂畱上也民無出城

者上同

張續金壇人建炎中守揚州金兵進圍城朝廷恐續力不能支許退保鎮江續堅不動弗顧其家後城潰及妻子皆死之

萬姓統譜 宋續事諸書未見未知姓譜何本攷繫年要錄  
是時守臣黃頤先通節度判官吳某權州事亦未知續何官  
也

初冀州雲騎卒孫琪聚兵爲盜號一海鰕劉光世招降  
之維揚之役行在諸軍皆潰琪擁光世之妻向氏在軍中由

真滁奔淮西事之如光世琪至廬州帥臣胡舜陟乘城拒守

琪引兵之安豐縣後以向氏歸光世

畢沅續鑑宋紀一百三

戊辰呂頤浩劉光世移兵屯瓜洲渡與金人對壘

繫年要錄二十

金人焚揚州

宋史高宗紀二

初金遣甲士數十人

北盟會編云此丁卯復入城者

入揚州諭士民出西城

皆疑之未有出者是日又遣人大呼不出者殺於是西北人

自西門出則悉留木柵中惟揚州人不出夜金縱火焚城士

民皆死存者才數千人而已

繫年要錄二十 宋畢沅續通鑑改揚州人爲東城人誤

庚午金人去揚州

宋史高宗紀二

辛未金人過高郵軍守臣趙士瑗棄城走

同上

金人自揚還至高郵城下趙士元棄城走判官齊志行率軍

縣官出城投拜金人劫掠而去

繫年要錄二十

潰兵宋進犯泰州守臣曾班遁

宋史高宗紀二

進初爲韓世忠圍人至是更名世雄聚兵二百餘犯泰州曾

班遁去世雄入城縱掠推錢糧官裴淵爲首班坐貶二年

繫年

要錄

二十

江淮兩浙制置使呂頤浩聞敵退渡江至真州收權貨務錢物

同上

壬申呂頤浩遣將陳彥渡江襲金餘兵復揚州

宋史高宗紀二

癸酉韓世忠小校李在叛據高郵

同

在自沐陽潰散聚徒百餘人居寶應縣會金人棄高郵去在

乃詐稱信王下忠義軍率眾至高郵有監北較酒務係義郎

唐思問先往迎之在既入城遂以其徒時正臣知高郵軍思

問通判軍事執投拜官齊志行等皆殺之乃遣人截金後軍

得金寶數艘故其軍極富時端明殿學士董耘朝議大夫李

金皆寓居高郵在因以爲參謀又聚集潰卒數千遂據高郵

畢沅續鑑宋

紀一百三

初上既渡江同知西外宗正事士從自高郵



軍招潰卒屯興化縣時淮南東路提點刑獄公事裴廩薛彥國在一洲上士從招二人爲參謀官言於朝乞假江淮制置使上從之士從聞高郵賊李在往楚州遣統領官不側乘虛掩襲至嶽廟下遇紅巾百十皆殺之取其衣僞稱在黨行至草市行伍不整謹噪殺人在覺之出兵迎敵不側僅以身免

繫年要錄二十一 案不側亦宋宗室事在此月庚寅日

四月薛慶據高郵軍

宋史高宗紀二

慶初自揚州遁去與其黨椎埋通泰野澤閒後同李在襲取

高郵守之在與其次爭事相殘殺眾乃推慶

繫年要錄二十二

金人既還泗州洪澤牕有大小官舟千餘皆不取時淮陰縣吏

孫晟攝行縣事洪澤牘軍羅成等不服遂與其徒邵青輩率舟  
船犯淮陰晟避去先是韓世忠潰於沐陽其後軍將李義者往  
來寶應之間有眾數百人相約合兵圍楚州成取綵緡以爲帆  
旣而義爲邵青所破官兵追殺之

同上

五月己丑張浚撫諭薛慶於高郵辛丑浚還自高郵

宋史高宗紀二

慶據高郵有眾數萬浚恐其滋蔓請往招之入慶壘諭以朝  
廷恩意慶感服遂降浚留撫其眾或傳浚被執呂頤浩等請

罷浚帝從之越十日浚還帝驚嘆趣就職

王宗沐續鑑宋紀二十九

是

行也御營使司主管機宜文字承直郎任貺至高郵遇賊墜

馬死上命以銀帛卹其家錄其子仲全爲忠州文學

繫年要錄二十

七月辛丑王璣與靳賽遇合戰敗績

宋史高宗紀二先是靳賽已降張浚

初朝廷以賽爲淮東馬步軍副總管屯揚州已而復叛招撫

使王璣與遇於興化縣璣軍不整爲賽所乘大敗制書金鼓

印文皆爲賽所得璣僅以身免

繫年要錄二十五

十一月庚申金人陷真州守臣向子恣棄城去

宋史高宗紀二

丁卯杜充引親兵三千絕江而北統制官王進王冠擄以本部

隨之時充在真州寓天慶觀守臣向子恣勸充自通泰入浙欲

與之偕行充有邪謀不聽子恣棄真州去充命冠知真州自爲

出降計會劉位兵來援遂北行

繫年要錄二十九

充自真州而北完顏宗弼遣人說充許以中原地封之如張  
邦呂故事充遂降敵向子恣以聞上聞之不食者累日繫年要錄

三十一 案充降

金事在明年二月

四年五月甲子置淮南路鎮撫使宋史高宗紀三

乙丑升高郵軍爲承州以薛慶爲鎮撫使丁卯慶及金人戰於

承州城下累敗之同上

八月庚辰薛慶及金人戰於揚州城下死之同上

薛慶起羣盜據高郵兵數萬人多驍雋敢鬪能以少擊眾張

浚聞慶無所係屬親往招之慶感服因使守高郵尋遷承州

天長鎮撫使金人還自浙屯天長六合間慶率眾劫之得牛

數百悉賤估分畀民之力田者金人欲自運河北歸而趙立  
在楚慶在承扼其衝不得進會兵攻楚州真揚鎮撫郭仲威  
聞之約慶俱往迎敵慶至揚州仲威殊無行意置酒高會慶  
怒曰此豈縱酒時邪我爲先鋒汝當繼後上馬疾馳去平旦  
出揚州西門從騎不滿百轉戰十餘里亡騎三人仲威迄不  
至慶與其下奔揚州仲威閉門拒之慶倉皇墜馬爲金追騎  
所獲馬識舊路還軍中見之曰馬還太尉其死乎金人殺慶  
承州陷計聞贈保寧軍承宣使賞其家十人封其妻碩人

宋史

忠義傳八

仲威棄揚州奔興化 長驅犯承州兵馬鈐轄王林

出城迎敵不勝亦奔興化承 陷慶在承久軍食旣足不復

斂取於民王官自京師至者館穀甚厚皆案格賦錄官兵隸

承州者月糧時帛如令給之至視其徒則戰士計日廩食老

弱受券而已民懷其惠亦賴其捍禦以自固敵假道於承以

攻楚慶不聽至是被害

繫年要錄  
三十六

已丑詔岳飛救楚州

宋史高宗紀三  
飛傳詳後

甲午劉光世遣王德邲瓊以輕兵渡江乙未遇金游騎於召伯

埭敗之

同上

九月壬寅詔光世以所俘赴行在既而德自天長引兵趣承州

不得入斬所部左軍統領官劉鎮而還

繫年要錄  
三十七

辛酉金人犯揚州統制靳賽逆戰於港河敗之

宋史高  
宗紀三

冬十月乙未岳飛破金人於承州

同上

丙申詔劉光世節制諸鎮守禦通泰州伺便襲金人過淮

同上

丁酉知承州王林自興化率餘兵奔通州

繫年要錄  
三十八

己亥通泰鎮撫使岳飛在泰州持法嚴眾不敢犯前軍統制官  
傅慶衛州密戶也有勇力飛愛之慶恃其才視飛爲平交飛無  
忤色及飛爲鎮撫使待之頗異慶不悅會劉光世遣王德來承  
州飛命慶以兵會慶與德語云願事劉公統領官王憲聞其言  
以告飛至是飛令諸將射遠慶獨至百七十步旣而飛取上所  
賜戰袍金帶遺統制官王貴慶醉謂飛曰當賞有功者飛問有  
功者誰慶曰慶在清水亭有功飛大怒曰不斬傅慶何以示眾

遂斬之同上案是年金人再犯常  
州飛與戰於清水亭大捷

十一月丙午岳飛棄泰州渡江丁未金人犯泰州飛退保江陰

軍沙上

宋史高  
宗紀三

飛在承州泰州盜起王招寇城東張榮寇城北詔飛還守通

泰乃旋師自白炭村至柴墟屢戰皆捷金虜勢盛泰州無可

恃之險乃渡百姓屯江陰

事見岳珂  
金陀粹編

岳飛字鵬舉相州湯

陰人建炎四年遷通泰鎮撫使兼知泰州飛辭乞淮南東路

一重難任使收復本路州郡乘機漸進使山東河北河東京

畿等路次第而復會金攻楚急詔張俊援之俊辭乃遣飛行

而命劉光世出兵援飛飛屯三壑爲楚援尋抵承州三戰三



捷殺高太保俘會長七十餘人光世等皆不敢前飛師孤力  
 寡楚遂陷詔飛還守通泰有旨可守卽守如不可但於沙洲  
 保護百姓伺便掩擊飛以泰無險可恃退保柴墟戰於南霸  
 橋金大敗渡百姓於沙上飛以精騎二百殿金兵不敢近

宋史

飛本傳 案三塾見元豐九域志或作三  
 墩誤今北監本作塾南監本亦譌作墩

丙辰金人陷泰州

宋史高宗紀三

紹興元年正月己酉金人犯揚州

同上

三月壬子朝奉郎通判泰州馬尚就差知泰州招諭軍民歸業

並興鹽場等事

繫年要錄四十三

金人攻張榮縮頭湖水砦榮擊敗之來告捷劉光世以榮知泰

州宋史高  
宗紀三

先是張榮在通州以地勢不利乃引舟入縮頭湖作水砦以  
守金右監軍昌在泰州以舟師犯榮水砦榮亦出數十舟載  
兵迎敵望金人戰艦在前榮皇遽欲退不可徐謂眾曰無慮  
也金人止有數艦在前餘皆小舟方水退隔淖不能至岸我  
捨舟而陸殺棺中人耳遂棄舟登岸大呼而殺之金人不能  
騁舟中自亂溺水陷淖者不可勝計昌收餘眾二千奔楚州  
榮獲昌子壻佛寧俘馘甚眾榮自京東來未嘗承王命遂無  
路告捷聞光世在鎮江乃遣人願聽節制且上其功光世大

喜以榮知泰州

繫年要錄  
四十三

五月丙午劉光世遣統制王德襲揚州執郭仲威以獻伏誅

宋史

高宗  
紀三

初仲威聞敵退乃以其將李懷忠知揚州而自往真州屯駐  
仲威與李成有舊閤其在九江欲往從之時滁濠鎮撫使劉  
綱以所部屯建康之雨花臺仲威爲所扼不得進復還揚州  
謀據淮南以通劉豫光世遣前軍統制王德往捕之宣言游  
徼淮上至維揚仲威迎謁於摘星樓德手擒之遂并其眾

繫年

要錄四  
十四

仲威出於寇盜號郭大刀

王明清揮  
塵後錄

二年秋七月罷淮東路提點刑獄司

宋史高  
宗紀四

三年正月癸酉淮東久闕帥臣以湯東野知揚州充淮東安撫

使右承務郎鍾離潛嘗任高郵縣丞熟知本路利害特遷一官  
通判揚州仍授東野兵千人以行賜米六十斛黃金二百兩白  
金三千兩爲養兵之用繫年要錄六十二案先是紹興元年  
州經畫屯田二年又命光世將銳卒萬人屯揚州經理淮東光  
世迄不行時金兵留淮東光世畏其鋒故遷延以避之宋史言  
光世律身不嚴馭軍無法  
不肯爲國任事於此見之

湯東野字德廣丹陽人奉祠起知揚州會僞齊宿遷令張澤  
拔眾四千自歸朝論以國家方屈好於豫不宜生釁欲還之

東野不可章三上得請四千人皆免死

京口耆舊傳

三月壬戌命統制巨師古部兵萬人屯揚州

宋史高宗紀四

壬午以韓世忠爲淮南東路宣撫使六月甲申巨師古坐違世

忠節制除名廣州編管

同上

十一月省淮南州縣文武官

同上

四年五月甲寅詔淮南帥臣兼營田使守令以下兼管營田

同上

九月庚午金齊合兵自淮陽分道來犯壬申渡淮楚州守臣樊

叙棄城去韓世忠自承州退休鎮江府

同上

冬十月丙子朔與趙鼎定策親征命張浚以軍援淮東

同上

張浚字德遠漢州綿竹人建炎三年除知樞密院川陝宣撫

處置使辛炳在潭州浚以檄發兵不遣劾之至炳爲御史中

丞率同列劾浚居福州浚旣去國慮金人釋川陝之兵必并

力窺東南上疏極言其狀未幾劉麟果引金兵入攻高宗思

浚言手詔辨前誣除知樞密事浚既受命卽日赴江上視師  
時元朮擁兵十萬於揚州約日渡江決戰浚長驅臨江召韓  
世忠張俊劉光世議事將士見浚勇氣十倍浚旣部分諸將  
身留鎮江節度之世忠遣麾下王愈詣元朮約戰且言張樞  
密已在鎮江元朮曰張樞密貶嶺南何得在此愈出浚所下  
文書示之元朮色變夕遁孝宗卽位除江淮東西路宣撫使  
治高郵巢縣兩城飭兩淮守備拜尚書右僕射同中書門下  
平章事都督如故致仕卒贈太師諡忠獻

宋史浚  
本傳

已卯淮東宣撫使韓世忠以所部自鎮江復如揚州

繫年要錄  
八十一

自金人入境揚州官吏退保陰沙承州官吏皆散淮東轉運

判官郭楫亦挈家先遁徽猷閣待制新知揚州宋伯友至鎮  
江奏言孤獨一身前去未得乞郡兵萬人與韓世忠同赴敵  
迎戰乃命伯友從便伯友引疾乞祠許之

同上

戊子韓世忠邀擊金人於大儀鎮敗之

宋史高  
宗紀四

韓世忠字良臣延安人以勇敢應募建炎二年升定國軍承  
宣使帝如揚州世忠以所部從張遇李民降授京西等路捉  
殺內外盜賊累遷淮南宣撫使四年金人與劉豫合兵分道  
入侵帝手札命世忠飭守備圖進取世忠受詔感泣遂自鎮  
江濟師俾統制解元守高郵候金部卒親提騎兵駐大儀當  
敵騎伐木爲柵自斷歸路會遣魏良臣使金世忠撤炊爨給

良臣有詔移屯守江良臣疾馳去世忠度良臣已出境卽上馬令軍中曰視我鞭所嚮於是引軍次大儀勒五陳設伏二十餘所約聞鼓卽起擊良臣至金軍中金人問王師動息具以所見對聶兒孛董聞世忠退喜甚引兵至江口距大儀五里別將撻孛也擁鐵騎過五陳東世忠傳小麾鳴鼓伏兵四起旗色與金人旗雜出金軍亂我軍迭進各持長斧上樁人胸下斫馬足敵被甲陷泥淖世忠麾勁騎四面蹂躪人馬俱斃遂擒撻孛也等二百餘人解元至高郵遇敵設水軍夾河陳一日合戰十三未決世忠遣成閔將騎士往援復大戰俘生女真及千戶等世忠復親追至淮金人驚潰相蹈藉溺死



甚眾論者以此舉爲中興武功第一五年進少保六年授京東淮東宣撫使置司楚州劉猷將寇淮東爲世忠兵扼不得

進七年築高郵城民益安之

宋史世忠本傳

己丑金人攻承州韓世忠遣將成閔解元合兵擊於北門敗之

宋史高

宗紀四

初金人至近郊元料翼日必至城下乃伏百人於路又伏百人於城東北嶽廟下自引四百人伏路隅令曰金人以高郵無兵必輕易而進俟金人過我當先出掩之伏要路者見我麾旗則立幟以待金人進退無路必取嶽廟走則伏者出眾皆諾又窺使人伏樊良決河岸以遏其歸路食時金人果趣

城下元密數之有一百五十騎乃以伏兵出金人大驚向嶽

廟走元追之擒一百四十八人戰馬器械皆爲元所得

繫年要錄

入十

時城中兵不滿三千金萬戶黑頭虎直造城下約降

元匿其兵以微服出僞若降者金人稍懈俄伏發擒黑頭虎

未幾金兵四集元戰卻之追北數十里金人赴水死者甚眾

宋史元

本傳

十一月庚戌蠲承楚泰州水砦民兵賦役十年

宋史高宗紀四

時承州水砦首領徐康潘通等邀擊金兵俘女真數十旣命

以官尋又賜米萬石

繫年要錄八十二

乙卯韓世忠遣兵夜劫金人營於承州破之

宋史高宗紀四

十二月辛巳命中軍統制王進屯兵泰州防扼通泰同上

辛丑泰州陵亭水砦馮定捕敵三十九人繫年要錄

八十三

壬寅省淮南轉運司宋史高宗紀四

五年春正月己酉免淮南官吏去職之罪仍令還任承州水砦

統領仲諒復入楚州宋史高宗紀五

乙丑罷淮南茶鹽提刑司置提點兩路公事官一員兼領刑獄

茶鹽漕運市易事同上

六月壬子復省淮南州縣冗官同上

十一月辛巳復置淮南提舉鹽事官同上

六年二月壬寅改江淮屯田爲營田同上

七年二月偽齊劉豫遣姦細縱火於淮甸及沿江諸州於是山

陽儀真廣陵京口當塗皆被其害

繫年要錄  
一百九

夏四月庚申罷淮南提點司東西兩路各置轉運兼提點刑獄

提舉茶鹽常平事

宋史高  
宗紀五

六月乙未罷江淮營田司令諸路安撫轉運司兼領其事

同上

九年五月乙未復置淮東提舉茶鹽司

宋史高  
宗紀六

八月己酉復淮南諸州學官

同上

十一年二月辛巳知泰州王瑛兼通泰制置使措置水砦鄉兵

控守二州

繫年要錄  
百三十九

十二年十一月癸巳以左司郎中李椿年爲兩淮轉運副使專

治經界

宋史高宗紀七

二十七年冬十月癸卯築通泰楚三州捍海堰

宋史高宗紀八

二十八年春正月癸未遣戶部郎中莫濛等檢視淮南沙田蘆

場

同上

六月甲寅增淮東沙田蘆場租課置提領官田所掌之

同上

二十九年閏月己未罷淮東沙田蘆場所增租課

同上

辛未復置江淮路提點坑冶鑄錢官

同上

三十年春正月壬寅募人墾淮南荒田

同上

三月癸未以淮東茶鹽司錢十萬緡充募民墾田費

同上

七年辛巳建武軍承宣使許世安添差淮南東路馬步軍副都

總管揚州駐劄

繫年要錄一百八十五 集是時金主亮將徙居汴京以逼宋

三十一年六月壬寅利州觀察使張榮添差淮南東路馬步軍

副總管泰州駐劄

繫年要錄一百九十

丙午劉錡乞即日移軍渡江詔錡進發騎兵屯揚州

宋史高宗紀九

時宿將無在者乃以錡爲江淮浙西制置使節制逐路軍馬

宋史錡本傳

錡傳詳後

丙寅聽淮南諸州移治清野

宋史高宗紀九

八月乙卯劉錡引兵屯揚州遣統制王剛以兵五千屯寶應

同上

錡將渡江以軍禮久不講乃建大將旗鼓以行軍容整肅江

浙人所未見也

繫年要錄一百九十二

錡在揚州謀報金以二十五

日渡淮謂通判楚州徐宗偃曰錡來日提師自天長趣盱眙  
君速歸語太守寶應以北日下清野勿留寸草有不如約當  
以軍法從事

同上

九月戊戌劉錡發揚州

宋史高宗紀九

錡在揚州病上遣中使將醫往視錡曰錡本無疾但邊事如  
此至今猶未決用兵俟敵人侵擾然後使錡當之既失制敵  
之機何以善後此錡所以病也中使以奏錡遂行時錡已病  
不能食但啜粥而已

繫年要錄一百九十二

十月乙巳劉錡引兵次淮陰金人將自清河口入淮錡列兵運  
河岸以扼之戊甲王權聞金人大至自廬州引兵遁乙卯錡聞

權通引兵歸揚州

宋史高宗紀九

錡之未退也檄淮東副總管張榮以所部人船盡赴淮陰榮被檄卽發泰州至楚州則大軍已退其所統民兵皆驚潰榮收散亡僅千餘至邵伯埭決運河水入湖以自保焉

繫年要錄一百

九十

丙辰侍衛步軍司右軍統領邵宏淵以左右二軍至真州

同上

戊午葉義問督視江淮軍馬中書舍人虞允文參謀軍事金人犯真州步軍司統制邵宏淵逆戰於胥浦橋兵敗真州陷金人

遂犯揚州

宋史高宗紀九

宏淵在真州方飲酒有報金人且至者亟率眾相遇於胥浦



橋命將三人拒橋上金人弓矢盡發王師多死城中老弱皆  
竄避敵竄草以渡河三將皆死宏淵率親隨軍入城掩關以  
拒故軍民皆奔江上得舟渡江以免宏淵毀牖退屯楊子橋  
真州遂陷敵得城不入徑自山路犯揚州劉錡軍還至邵伯  
埭聞金犯真州疑揚州已不守探者報城上旗幟猶是官軍  
錡曰雖失真州猶爲國守當速進乃自北門入見安撫使劉  
澤以城不可守勸錡退屯瓜洲

繫年要錄一  
百九十三

梁淵元宗張

昭俱爲邵宏淵偏將宏淵控儀真以所領二千人分三之一  
配三將金人以大軍壓之軍士愕眙莫有鬪志三將奮臂一  
呼士氣百倍昭屢衝敵陳爲士卒先宗提軍深入手梟敵將

力窮陷陣死昭亦中流矢斃淵方據浦自守敵以驍將銳卒乘之淵單馬直前挾驍將歸而銳卒拂出忽斷淵右臂臂已斷氣不衰回顧叱咤敵膽落不能加兵淵顧援兵不至遂挾敵將墮橋下與之俱死嘉泰初立廟合視之

劉宰廟記略  
雍正志云舊志

作元怡梁宏張昭據漫堂廟記改正三將戰死雖同而淵死尤烈亦依廟記以淵冠首

壬戌劉錡退軍瓜洲鎮金人陷揚州淮東安撫使劉澤棄城奔

泰州

宋史高  
宗紀九

金人攻揚州屯於平山堂下揚州軍民傾城而奔錡乃退軍自南門外拆民屋作浮橋諸軍過絕卽毀橋而去

繫年要錄  
一百九十

三

乙丑金人趣瓜洲劉錡遣統領員琦拒之於阜角林敗之斬其  
統軍高景山

宋史高  
宗紀九

金人既得揚州卽遣兵來爭瓜洲渡錡命部將賈和仲吳超  
等拒之於阜角林員琦陷重圍下馬死戰部將王佐以步卒  
百有四人往林中設伏敵入弩發敵以運河岸仄非騎兵之  
利稍引去遂大敗之斬景山俘數百人錡在瓜洲無日不戰  
恐人心不固乃遣人自鎮江取妻子以安人心至是有詔令  
錡專防江上會病已劇乃肩輿渡江留劉汜以千五百人塞  
瓜洲渡

劉時舉續宋  
編年通鑑七

十一月庚午金人犯瓜洲渡中軍統制劉汜用克敵弓射卻之

金人焚驛亭而去

繫年要錄一百九十四

壬申金人犯瓜洲鎮江中軍統制劉汜戰敗走權都統制李橫

亦遁金人鐵騎奄至江上統制魏俊王方死之

宋史高宗紀九

時金人以重兵直擣瓜洲李橫引諸軍迎戰葉義問督鎮江

駐劄後軍渡江東眾不可義問疆之懼怯之狀見於顏色市

人皆媒罵之金人兵勢甚重汜提本部兵先走諸軍皆不進

橫以孤軍不能當亦遁失其都統制印金人追官軍官軍壅

路不能行遂涉運河而西亦有得脫者左軍統制魏俊後軍

統制王方戰死柳林中皆金創被體汜性驕惰不習軍事至

是卒敗

繫年要錄一百九十四

魏俊贈中衛大夫邕州觀察使王方

贈拱衛大夫蘄州防禦使官子孫如新格

同上

甲申金主亮至揚州

宋史高宗紀九

丁亥劉錡以疾罷

同上

劉錡字信叔德順軍人瀘州節度使仲武子紹興三十一年金主亮調軍六十萬自將南來中外大震以錡爲江淮浙西制置使節制逐路軍馬引兵屯揚州軍容甚肅觀者歎息金人以羶裹船載糧而來錡使善沒者鑿沈其舟金人議留精兵在淮東以禦錡而以重兵入淮西大將王權不從錡節制不戰而潰自清河口退師揚州以舟渡真揚之民於江之南留兵屯瓜洲錡病求解兵柄留其姪汜以千五百人塞瓜洲

渡又令李橫以八千人固守詔錡專防江錡遂還鎮江十一月金人攻瓜洲汜固請出戰錡不從汜拜家廟而行金人以重兵逼瓜洲分兵東出江皋逆趣瓜洲汜先退橫亦卻魏俊王方死之橫汜僅以身免錡憤懣病益甚召詣闕錡疑汜累已常懼有後命三十二年閏二月錡發怒嘔血數升而卒贈開府儀同三司諡武穆金主亮之南下也下令有敢言錡姓名者罪不赦枚舉南朝諸將問其下孰敢當者皆隨姓名答如響至錡莫有應者然錡卒以病不能成功世傳錡通陰陽家行師所避就在揚州命盡焚城外居屋用石灰盡白城壁書曰完顏亮死於此金主見而惡之遂居龜山人眾不能容

以致變云

宋史錡本傳 案魏俊傳本作魏友蓋俊之燭文今改從帝紀

庚寅亮至瓜洲

宋史虞允文傳

亮在瓜洲鎮御營宿衛使楊存中中書舍人虞允文以車船

臨期不堪駕用乃臨江拽試命戰士踏車船中流上下三周

金山回轉如飛敵眾驚愕亮笑曰紙船耳一將跪曰南軍有

備願駐揚州徐圖進取亮怒命斬之哀謝良久乃杖半百年

要錄一百

九十四

甲午會舟師於瓜洲渡期以明日渡江

金史海陵紀

乙未金人陷泰州是日金人弑其主亮於揚州龜山寺

宋史高宗紀九

初亮在瓜洲聞李寶由海道入膠西焚其戰艦咸聞諸軍方

順流下亮忿乃還揚州召諸將約三日畢濟過期盡殺之諸將謀曰南軍有備進有渰殺之禍退有敵殺之憂等死死中求生可乎總管萬戴曰殺耶主與宋通和則生矣眾曰諾亮夕與后妃飲言三日渡江不得大臣盡斬諸將聞之益懼亮謂威勝統軍耶律阿里曰爾所將兵數少必誅無恕阿里與其子穆爾古謀亦欲弑亮亮有紫茸等細軍不遣臨敵專以自衛眾患之奏遣細軍取海陵謂細軍曰淮東子女金帛逃在泰州何不往取之細軍欣然共請亮許之於是去者過半

繫年要錄一百九十四

黎明元宜王祥與武勝軍都總管徒單守素

等率眾犯御營海陵聞亂以爲宋兵奄至攬衣遽起箭入帳



中取視之愕然曰我兵也大慶山曰事急矣當出避之海陵  
曰走將安往方取弓已中箭仆地延安少尹納合幹魯補先  
刃之手足猶動遂縊殺之驍騎指揮使大磐整兵來救詳出  
語曰無及磐乃止軍士攘取行營服用皆盡乃取大磐衣巾  
裹海陵尸焚之遂收尚書右丞李通浙西路副統制郭安國  
監軍徒單永年近侍局使梁琬副使大慶山皆殺之

金史逆臣完顏

元宜傳

諸酋斃亮兼殺侍寢妃花不如等五人明日諸酋遂

麾軍退屯三十里

遼聘采石斃亮記

先是泰州守臣請祠去通判

王濤權州事九月濤以移治爲名而去留州印付兵馬都監  
趙福金人侵淮甸水砦都統領胡深與其副臧珪棄水砦率

鄉兵二千入泰州以兵勢凌福福具申於葉義問義問以深  
權知州深以珪權通判福權本路兵馬都監淮南轉運副使  
提領諸路軍馬楊亢又以其右軍統領沙世堅權海陵縣丞  
兼知縣深聞金人欲犯泰州與世堅棄城先遁珪掘斷堰盡  
泄運河水至是敵細軍至城下遂徑登城縱火擄掠福死於  
亂兵城中子女強壯盡被驅去時楊存中命右軍統制王剛  
以所部權知泰州而城已陷矣

繫年要錄一  
百九十四

十二月庚子楊存中及虞允文渡江至瓜洲察金兵

宋史高  
宗紀九

辛丑細軍之在泰州者棄城而去

繫年要錄一  
百九十五

壬寅成閏渡江之揚州

宋史高  
宗紀九

時葉義問遣使臣李彪伺金人回軍動靜聞令報曰成太尉  
大軍在楊子橋相持來日當大戰彪不聽道路喧言金人已  
去揚州空虛閔計不行乃以軍馬司之兵自天長追襲主管  
侍衛步軍司公事李捧亦以神勇軍襲之敵軍數萬竄其行  
如林官軍皆不敢近但遙護之出境而已

繫年要錄一  
百九十五

癸卯和州防禦使權知揚州賈和仲聞敵去乃以單騎入城猶

未有官吏

同上

右軍統領沙世堅入泰州

宋史高  
宗紀九

甲辰右軍統制權知泰州王剛以所至至本州中軍統制顧瑛

引兵泊瓜洲鎮

繫年要錄一  
百九十五

乙巳金人遊騎焚真州報恩寺塔逕往天長

同上

三十二年春正月楊存中措置兩淮

宋史高宗紀九

夏四月甲戌募民耕淮東荒田蠲徭役租稅七年

同上

五月甲寅命張浚專一措置兩淮事務兼節制淮東西沿江州

郡軍馬

同上

乙卯張浚置御前萬營營募淮民爲之

同上

廣陵事略卷之四